

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

**“Коми Республикаса видз-му овмӧс да потребительскӧй рынок
министерство йылысь” Коми Республикаса Веськӧдлан котырлӧн
2016 во ӧшым тӧлысь 15 лунся 572 №-а шуӧмӧ
вежсьӧмъяс пыртӧм йылысь**

Коми Республикаса Веськӧдлан котыр шуис:

1. Пыртны “Коми Республикаса видз-му овмӧс да потребительскӧй рынок министерство йылысь” Коми Республикаса Веськӧдлан котырлӧн 2016 во ӧшым тӧлысь 15 лунся 572 №-а шуӧмӧ вежсьӧмъяс содтӧд серти (водзӧ – вежсьӧмъяс).

2. Тайӧ шуӧмыс вынсялӧ сӧйӧс официальной йӧзӧдан лунсянь, вежсьӧмъяслӧн 1 пункт кындзи, мый вынсялӧ 2026 вося рака тӧлысь 1 лунсянь.

Коми Республикаса Веськӧдлан котырӧн
Юрнуӧдысьӧс вежысь –
Коми Республикаса сьӧм овмӧс министр

В. Казаков

Сыктывкар
2024 вося сора тӧлысь 25 лун
316 №

Коми Республикаса Веськӧдлан котырлӧн
2024 во сора тӧлысь 25 лунся 316 №-а шуӧм дорӧ
СОДТӐД

“Коми Республикаса видз-му овмӧс да потребительскӧй рынок
министерство йылысь” Коми Республикаса Веськӧдлан котырлӧн
2016 во ӧшым тӧлысь 15 лунся 572 №-а шуӧмӧ пыртӧм
ВЕЖСЬӦМЪЯС

“Коми Республикаса видз-му овмӧс да потребительскӧй рынок
министерство йылысь” Коми Республикаса Веськӧдлан котырлӧн 2016 во
ӧшым тӧлысь 15 лунся 572 №-а шуӧмын:

Коми Республикаса видз-му овмӧс да потребительскӧй рынок
министерство йылысь положениеын, кутшӧмӧс вынсьӧдӧма шуӧмӧн
(1 №-а-а содтӧд):

10 пунктын:

1) 10.19 пунктувса 7 пунктув гижны тадзи:

“7) канмусянь пасйӧ племенной пемӧсьясӧс да племенной стадаясӧс
племенной ресурсьяс серти юӧр чукӧртан-донъялан федеральной канму
системаын;”;

2) 10.23 пунктулӧ содтыны татшӧм сюрӧса 6² пунктув:

“6²) сетӧ федеральной олӧмӧ пӧртысь власьт органӧ, кодӧс
уполномочитӧма збыльмӧдны контрольсӧ (дӧзьӧрсӧ) этиловӧй спирт,
алкоголя да спирта прӧдукция вӧчан да вузалан юкӧнын, тайӧ органлӧн
запрос серти йӧзӧс ӧтув вердан объектъясын, кутшӧмъяс меститчӧны уна
патераа керкаясын да (либӧ) накод орчча мутасьясын, йӧзӧс ӧтув вердан
услугаяс сетӧгӧн алкоголя прӧдукция торйӧн вузалан кад дзескӧдӧмсӧ
урчитӧм йылысь электронной документъясӧн тӧдмӧгъяс запрос босьтан
лунсянь куим лунся кадколастӧ;”.